

Wanem blong mekem taem yu luk total taem yu stap swim, snorkel o daeva



Ol total oli animol we namba blong olgeta i stap go daon. Ol rul ia oli blong meksua se taem yumi stap wetem ol total long solwota, yumi no mekem olgeta i fraet o harem nogut.


1



Stap kwaet mo no mekem noes

Ol total oli save fraet sapos yu mekem muvmuv tumas o mekem noes. No mekem fulap splash o jam long solwota klosap long total

2




Givim spes long total

Taem yu go insaed long solwota o luk wan total, no swim stret i go long hem. Stop mo wet smol. Sapos total i no ronwe, yu save go kolosap sloslo. Sapos total i jenjem wanem i stap mekem yu mas stop mo muv go bak.

3

Pas long saed nomo mo no go klosap bitim 3 mita (3 mita longfala olsem bodi blong 2 man)



4

Sapos total i soem se hem i fraet, kamaot sloslo

Taem hem i fraet bae hem i: swim hariap, daeva go daon hariap, jenjem rod, jenjem fasin, swim ronwe, o swim i go long dip ples.

5




Letem total i pulum win

No swim antap long total from oli mas kam antap blong pulum win.

6

No raonem total

Sapos yu stap long grup, evriwan i mas stap 5 mita longwe (5 mita hemi longfala olsem bodi blong 3 man). Stanap long wan saed nomo blong total blong hem i i save luk rod blong ronwe.




7

No go kolosap long total taem oli stap mekem bebe

Ol total save fraet hariap nomo mo stop blo mekem wanwm oli stap mekem sapos yu go kolosap long olgeta taem oli stap mekem bebe. Ol papa total oli save kros hariap. No traem blong "helpem" mama total from bae yu mekem hem i wori moa. Sapos yu luk kaen olsem, yu stap kaet nomo mo no mekem noes, muv sloslo go longwe.

8

Sapos yu daeva kolosap long total we i stap spel long wan hol, givim rod blong hem i save kamaot.



9



No tajem total o traem blong klaem long hem

10



Laet i save distebem total

Sapos yu go swimswim o daeva long naet, no yusum toj tumas mo ol flas blong kamera o video kolosap long total.

Long naet, yusum toj nomo sapos yu nidim. Saenem laet long sel nomo, no long hed. No yusum waet laet o flas kamera.

11

No distebem total taem oli stap silip

No mas distepem ol nomol fasin blong silip blong total. Bae ol total oli save. Sapos total i wekap from yu, yu mas stap bak longwe. No daeva klosap long ples blong silip taem san i go daon.

12

Leko total oli kakae

Sapos yu luk total i stap kakae, stap longwe blong no mekem hem i fraet.



13

No traem givim kakae long total

14

Taem yu tekem foto o vidio, folem ol rul ia

Sefti blong total mo yu hemi moa impoten bitim foto. Sapos yu tekem foto, yu save salem long ol saens grup olsem "Internet of Turtles".

Loa blong Vanuatu i protektem ol total: Hemi agensem loa blong mekem rabis fasin long total.



Yusum QR kod ia blong luk ol rul ia long websaet blong Vanuatu Environmental Science Society.

